

**EU-BiH**  
**PODOBOR ZA UNUTRAŠNJE TRŽIŠTE I KONKURENCIJU, UKLJUČUJUĆI**  
**ZASTITU ZDRAVLJA I POTROŠAČA**  
**6. sastanak**

**SARAJEVO (VIRTUELNO), 28. FEBRUAR 2023. GODINE**

**PREPORUKE**

**Sveobuhvatni zaključci**

- Komisija je preporučila državnim vlastima da iskoriste IPA-u na najbolji način prenosom dobrih praksi na druge dijelove javne uprave. Komisija je također preporučila državnim vlastima da provedu relevantne preporuke koje su proistekle iz izvještaja Evropskog revizorskog suda i sistemskih revizija.
- Izrada strategija i propisa treba biti praćena odgovarajućim konsultacijama sa zainteresovanim stranama, dodjelom resursa adekvatnih za ciljeve strategije ili zakona na koje se odnose, treba dati prednost kvalitetu u odnosu na brzinu, treba poboljšati sakupljanje i kvalitet podataka i statistike i treba osigurati mehanizam monitoringa i evaluacije za provedbu strategije.
- Treba poboljšati koordinaciju među ministarstvima i među institucijama tokom pripreme, provedbe i monitoringa politika.

**1) TRŽIŠNO NATJECANJE/KONKURENCIJA**

1. Usvojiti novi Zakon o konkurenciji u skladu sa najnovijim *acquisem* EU (4. kvartal 2023.), nakon dostavljanja nacrtu i tabela usklađenosti Evropskoj komisiji .
2. Bosna i Hercegovina i Brčko Distrikt da usvoje nedostajuće provedbene propise o državnoj pomoći (2. kvartal 2023.).
3. Izbaciti iz Zakona o konkurenciji i Zakona državnoj pomoći uslov da za odluku mora glasati najmanje po jedan član iz reda svakog konstitutivnog naroda (nacionalni veto), što je jedan od ključnih prioriteta iz Mišljenja(4.g) (4. kvartal 2023.).
4. Dalje ojačati operativni kapacitet Savjeta za državnu pomoć usvajanjem Pravilnika o unutrašnjoj organizaciji Savjeta za državnu pomoć (2. kvartal / 2023).
5. Postupiti u skladu s članom 71. stavom (7) SSP-a i što prije dostaviti regionalne statističke podatke na nivou NUTS II i sačiniti regionalnu kartu pomoći (3. kvartal 2023.) (*rok iz SSP-a istekao 1. juna 2020.*).

6. Pridržavati se obaveza iz člana 71. stava (6) SSP-a i što prije napraviti napredak u usklađivanju postojećih programa pomoći s *acquisem* (3. kvartal 2023.) (*rok iz SSP-a istekao 31. maja 2019.*).
7. Pojačati aktivnosti zagovaranja kako bi davatelji pomoći bili upoznati s potrebom dostavljanja ex ante obavijesti o novim mjerama državne pomoći i kako bi se osigurala usklađenost sa Zakonom o državnoj pomoći.
8. Povećati saradnju, uključujući i kvartalne sastanke, između Konkurencijskog savjeta i drugih regulatornih tijela, kao što su Agencija za javne nabavke, Kancelarija za razmatranje žalbi, kako bi se izbjegla nelojalna konkurencija.
9. Uskladiti se sa članom 34. stav (2) SSP-a tako što će se odmah ukinuti diskriminacija protiv proizvođača lijekova iz EU (2. kvartal 2023.).

## 2) **JAVNE NABAVKE**

1. Pripremiti novi nacrt Zakona o javnim nabavkama koji će biti dodatno usklađen sa *acquisem* EU o javnim nabavkama (1. kvartal 2024.).
2. Izraditi novu strategiju javnih nabavki 2023.-2027. i prateći akcioni plan za njenu provedbu (4. kvartal 2023).
3. Usvojiti novi Pravilnik o sistematizaciji radnih mjesta u Agenciji za javne nabavke (3. kvartal 2023).
4. Do prvog kvartala 2023. godine, povećati broj zaposlenih u Agenciji za javne nabavke i Kancelariji za razmatranje žalbi obezbjeđivanjem neophodnih sredstava u budžetu za 2023. godinu.
5. Pripremiti mapu puta za dalje usklađivanje pravnog okvira BiH sa *acquisem* EU u oblasti koncesija i javno privatnog partnerstva (4. kvartal 2023).
6. Nastaviti razvoj i korištenje sistema e-nabavki.
7. Povećati ukupnu saradnju između pojedinačnih sudionika koji su aktivni u javnim nabavkama, kako bi se garantovala fer konkurencija i osigurala koherentna provedba pravnog okvira.

### **3) PRAVO POSLOVNOG NASTANA I SLOBODA PRUŽANJA USLUGA**

1. Izraditi jedinstven horizontalan zakon usklađen sa Direktivom o uslugama (2. kvartal 2024).
2. Preispitati postojeće propise kako bi se identifikovali propisi koje će trebati izmijeniti kako bi se uskladili sa Direktivom o nabavci usluga (3. kvartal 2023).
3. Razviti sveobuhvatan popis svih administrativnih i tehničkih koraka za registraciju i/ili rad domaćih i stranih preduzeća u cijeloj zemlji, kako bi se ukunuli zahtjevi koji otežavaju stvaranje jedinstvenog ekonomskog prostora (4. kvartal 2023).
4. Ubrzati napore ka otvaranju tržišta poštanskih usluga za konkurenciju i uskladiti nacionalno zakonodavstvo s *acquisem* EU o poštanskim uslugama. Izraditi novi Zakon o poštanskim uslugama (4. kvartal 2023.) i nacrt strategije na državnom nivou za razvoj poštanskih usluga (1. kvartal 2024).
5. Sastaviti listu zanimanja koja su regulisana u BiH, uključujući detalje o relevantnim propisima, pritom ukazujući na značaj ovog postupka kako za domaće potrebe tako i za potrebe procesa pridruživanja (2. kvartal 2023).
6. Intenzivirati napore na usklađivanju sa *acquisem* EU o uzajamnom priznavanju profesionalnih kvalifikacija, što uključuje Direktivu 2005/36/EZ, Direktivu (EU) 2018/958 i dvije direktive o slobodnom kretanju advokata (Direktiva 98/5/EZ i Direktiva Savjeta 77/249/EEZ) (X kvartal 2023).

### **4) PRAVA INTELEKTUALNOG VLASNIŠTVA**

1. Povećati napore kako bi se učinkovito provela prava intelektualnog vlasništva putem jačanja kapaciteta i koordinacije institucija za provedbu.
2. Evropska komisija traži od BiH da usvoji Strategiju o pravima intelektualnog vlasništva za period 2022.-2026. godina (2. kvartal 2023.).
3. Usvojiti Zakon o autorskom i srodnim pravima, Zakon o kolektivnom ostvarivanju autorskog i srodnih prava, Zakon o patentu, Zakon o žigu, Zakon o topografiji poluprovodničkih proizvoda, Zakon o oznakama geografskog porijekla, Zakon o industrijskom dizajnu i Zakon o poslovnim tajnama (2. kvartal 2024.).

### **5) BANKARSTVO, OSIGURANJE I OSTALE FINANSIJSKE USLUGE**

1. Potpisati Memorandum o razumijevanju o finansijskoj stabilnosti (4. kvartal 2023.).

2. Ojačati okvir za spašavanje banaka izmjenom entitetskih zakona o bankarstvu i zakona o osiguranju depozita kako bi se omogućilo stvaranje fonda za finansijsku stabilnost (4. kvartal 2024.).
3. Zadržati jak nadzor nad bankarskim sektorom kako bi se osigurala finansijska stabilnost u nestabilnom ekonomskom okruženju koje je izazvao rat u Ukrajini.
4. Preduzeti aktivnosti kako bi se poboljšala učinkovita koordinacija, saradnja i dijeljenje informacija između regulatornih i nadzornih agencija za bankarstvo, uključujući i poboljšanje okvira za rješavanje nenaplativih kredita.
5. Dalje razviti bankarski regulatorni okvir kako bi se integrisale izmjene uvedene Direktivom (EU) 2019/878 (CRD V) i Uredbom (EU) 2019/876 (CRR II) (4. kvartal 2024.).
6. Pripremiti mapu puta za buduće usklađivanje sa *acquisem* EU u cijeloj zemlji, uključujući sva relevantna ministarstva i agencije u oblasti investicionih fondova i kolektivnih investicija (Direktiva o upraviteljima alternativnih investicijskih fondova (AIFMD) i Direktiva o usklađivanju zakona i drugih propisa u odnosu na subjekte za zajednička ulaganja u prenosive vrijednosne papire (UCITS)) i tržišta vrijednosnih papira (npr. Uredba o prospektu, Uredba o zloupotrebi tržišta, Uredba o referentnim vrijednostima, Direktiva o tržištu finansijskih instrumenata II / Uredba o tržištu finansijskih instrumenata) (4. kvartal 2023.).

## **6) PRAVO PRIVREDNIH DRUŠTAVA**

1. Dalje uskladiti pravo privrednih društava na nivou cijele države, uključujući reviziju postojećih propisa, kako bi se identifikovale izmjene relevantne za usklađivanje sa *acquisem* EU, poboljšala povezanost i koordinacija poslovnih registara među entitetima i sa Brčko distriktom, u cilju uspostavljanja jednog, međusobno povezanog, Centralnog poslovnog registra.
2. Izmjeniti pravo privrednih društava na nivou države, kako bi se uskladilo sa Direktivom o pravu dioničara 2007/36/EZ, uključujući u oblasti prava dioničara i dugoročnog angažmana dioničara, sa Direktivom o mobilnosti (EU) 2019/2121 i Direktivom o digitalizaciji (EU) 2019/1151.
3. Uskladiti se sa *acquisem* EU o korporativnom izvještavanju u smislu finansijskih informacija, izvještavanja i nefinansijskih informacija (izvještavanje o

korporativnoj održivosti, kao i zahtjevi transparentnosti za kompanije koje kotiraju na berzi).

4. Uspostaviti jedinstveno nadzorno tijelo za cijelu zemlju koje će preuzeti krajnju odgovornost za nadzor nad ovlaštenim revizorima.

## **7) ZAŠTITA POTROŠAČA I ZDRAVLJA**

### **ZAŠTITA ZDRAVLJA**

1. Osigurati adekvatno i održivo finansiranje u oblasti javnog zdravlja kako bi se olakšale reforme zdravstvene zaštite i omogućilo dobro upravljanje, kvalitetna zdravstvena zaštita koja će biti dostupna svim građanima, uključujući marginalizovane grupe društva.
2. Dalje uskladiti propise BiH sa *acquisem* EU o kontroli duvana, uključujući usvajanje propisa o okruženjima bez dima za zabranu pušenja na javnim mjestima (1. kvartal 2024.), pojačati napore za početak primjene postojećih propisa o kontroli duvana i pristupiti Protokolu o eliminisanju nezakonite trgovine duvanskim proizvodima Okvirne konvencije SZO o kontroli duvana (FTCT) i početi njegovu primjenu.
3. Pripremiti plan za usklađivanje propisa sa najnovijim *acquisem* EU o supstancama ljudskog porijekla i lijekovima za ljudsku upotrebu (1. kvartal 2024.). Pripremiti mapu puta za uspostavljanje sistema nadzora u ovoj oblasti kako bi se osigurala efikasna koordinacija širom zemlje.
4. Riješiti trenutni zastoj kako bi se sudjelovalo u procjeni nadzora i kontrole zaraznih bolesti koju radi ECDC (Evropski centar za prevenciju i kontrolu bolesti) (4. kvartal 2023.).
5. Potpuno se angažovati i posvetiti se predstojećoj aktivnosti ECDC (koja se provodi zajedno sa EFSA) u cilju podrške državnim naporima za unapređenje pristupa „Jedno zdravlje“ protiv rezistencije na antimikrobne lijekove (3. kvartal 2023.).

### **ZAŠTITA POTROŠAČA**

6. Izraditi mapu puta o planovima usklađivanja Zakona o zaštiti potrošača BiH sa *acquisem* EU o zaštiti potrošača uključujući njegov nivo usklađenosti (3. kvartal 2023.).